


萬唐
人絕句一



漢書門			
三	一	二	一
〇	三	一	三
冊	架	函	號類

內閣文庫			
三	一	二	漢
九	三	二	書
函	〇	三	
一	冊	號	類
架			

內閣文庫	
番號	漢 11223
冊數	30 (5)
函號	319 68



書齋
銅

宋洪魏公進萬首唐人絕句卷之一

明吳郡趙宦允凡夫棊定

靈巖黃習遠伯傳竄補

五言一初唐全

賜房玄齡

太宗皇帝

太液僊舟迴西園引上才未曉征車度雞鳴關

早開補作隱非引

詠弓紀事作董忠恭非

上弦明月半激箭流星遠落鴈帶書驚馬啼後映

枝轉補

萬首絕句

詠燭二首

焰畏風來動花開不待春鎮下千行淚非是為
思人補

九龍盤焰動四照逐花生郎此流高殿堪持代
月明補

賦得早鴈出雲鳴

初秋玉露清早鴈生空鳴隔雲時亂影因風乍
合聲補

賦得臨池柳

岸曲絲陰聚波移帶影疎還將眉裏翠來就鏡

中舒補

賦得臨池竹

貞條障曲砌翠葉貫寒霜拂牖分龍影臨池待
鳳翔補

賦得弱柳鳴秋蟬

散影玉階柳含翠隱鳴蟬微形藏葉裏亂響出
風前補

探得李

盤根直盈渚交榦橫倚天舒花光四海卷葉陰
三川補

詠小山

近谷交縈藥，遙峯對出蓮。徑細無全磴，松小未
金煙補

賜蕭瑀

疾風知勁艸，板蕩識誠臣。勇夫安失義，智者必
懷仁補

遼東山夜臨秋

煙生遙岸隱，月落半崖陰。連山驚鳥亂，隔岫斷
猿吟補

賜魏證

證善治酒醴醪，
翠濤皆其酒名。

醴醪勝蘭生，翠濤過玉瀼。千日醉不醒，十年味
不敗補

太原召侍臣守歲

四時運灰琯，一夕變冬春。送寒餘雪盡，迎歲早
梅新

秋鴈

褚亮補

日暮霜風急，羽翮轉難任。為有傳書意，聯翩入
士林詩紀作虞世南非

初晴應教

虞世南

初日明燕館，新溜滿梁池。歸雲半入嶺，殘滴尚

懸枝

春夜

春苑月徘徊竹堂侵夜開驚鳥排林度風花隔水來

舞

繁絃奏淥水長袖轉回鸞一雙俱應節還似鏡中看

奉和詠風應魏王教

逐舞飄輕袖傳歌共繞梁動枝生亂影吹花送遠香補

詠螢

的歷流光小飄飄弱翅輕恐畏無人識獨自暗中明補

蟬

垂綫飲清露流響出疎桐居高聲自遠非是藉秋風補

春首

陳叔達

雪花聯玉樹冰彩散瑤池翔禽遙出沒積翠遠參差

初年

和風起天表嚴氣銷冰井索索枝未柔厭厭漏
猶永

菊

霜間開紫蒂露下發金英但令逢採摘寧辭獨
晚榮

侍宴詠石榴

孔紹安

可惜中庭樹移根逐漢臣只為來時晚開花不
及春

舞舊作虞世甫非

蕭德言補

低身鏘玉佩舉袖拂羅衣對簷疑燕起映雪似

花飛

奉和詠弓

楊師道補

霜重麟膠勁風高月影圓鳥飛隨帝輦鴈落逐
鳴弦

詠硯

圓池類璧水輕翰染烟華將軍欲定遠見棄不
應賒

奉和正日臨朝應詔

皇猷被寰宇端辰屬元辰九重麗天色千門臨
上春

卷之二

一八三

詠舞

楊希道

補

二八如迴雪三春類早花分行向燭轉一種逐風斜

侍宴賦得起坐彈鳴琴

絲傳園客意曲奏楚妃情罕有知音者恐勞流水聲

詠葉

孔德紹

早秋驚葉落飄零似客心翻飛未肯下猶言惜故林

擬江令九日歸揚州賦

許敬宗

心逐南雲逝形隨北鴈來故鄉籬下菊今日幾

花開

詩紀

本逐征鴻去還隨落葉來菊花應未滿請待詩人開

遊人倦蓬轉鄉思逐鴻來偏想臨潭菊芳藥對

誰開

詩紀

灞橋待李將軍

長孫無忌

颯颯風葉下遙遙烟景曛霸陵無醉尉誰滯李將軍

佳人照鏡

張文恭

倦采靡蕪葉貪憐照膽明兩邊俱拭淚一處有啼聲

夜還東溪

王績

石苔應可踐叢枝幸易攀青溪歸路直乘月夜歌還

山中別李處士

為向東溪道人來路漸賒山中春酒熟何處得停車

初春

春來日漸長醉客喜年光稍覺池亭好偏聞酒

齋香

醉後

阮籍醒時少陶潛醉日多百年何足度乘興且長歌

題酒店壁

昨夜餅始盡今朝甕即開夢中占夢罷還向酒家來

戲題卜舖壁

旦逐劉伶去宵隨畢卓旋不應長賣卜須得杖頭錢

嘗春酒

野觴浮鄭酌山酒漉陶巾但令千日醉何惜兩
三春

獨酌

浮生知幾日無狀逐空名不如多釀酒時向竹
林傾

秋夜喜遇王處士

北場芸藿罷東臯刈黍歸相逢秋月滿更值夜
螢飛

山夜調琴

促軫乘明月抽絃對白雲從來山水韻不使俗
人聞

看釀酒

六月調神麴正朝汲美泉從來作春酒未省不
經年

題酒店壁五首

洛陽無大宅長安乏主人黃金消未盡祗爲酒
家貧
竹葉連糟翠蒲萄帶麴紅相逢不令盡別後爲
誰空

對酒但知飲逢人莫強牽倚壚便得睡橫齧足
堪眠

此日長昏飲非關養性靈眼看人盡醉何忍獨
為醒

有客須交飲無錢可別酤來時長道貫慚愧酒
家胡

入長安詠秋蓬示辛學士

遇坎聊知止逢風或未歸孤根何處斷輕葉強
能飛

答王績

辛學士

託根雖異所飄葉早相依因風若有便更共六
雲飛

見佳人負錢出路

鄭世翼補

獨負千金價應從買笑來祇持難發口經為幾
人開類苑

出玉關

來濟補

斂轡遵龍漢銜悽渡玉關今日流沙外垂涕念
生還

賦得御製句朔野陣雲飛

何象補

塞日穿痕斷邊鴻背影飛縹緲浮黃屋陰沈護

御衣類苑

大酺樂

張文收補

淚滴珠難盡容殘玉易銷倘隨明月去莫道夢魂遙

與國賢良夜歌二首

張柬之補

柳臺臨新堰樓堞相重複窈窕鳳凰姝傾城復傾國

杏間花照灼樓上月徘徊帶嬌移玉柱含笑捧金杯

從駕閭山詠馬

上官儀

桂香塵處滅練影月前空定惑由關吏徒嗟塞

上翁補

洛隄步月

脉脉廣川流驅馬歷長洲鵲飛山月曉蟬噪野風秋

堂堂詞二首

李義府

懶整鴛鴦被羞褰玳瑁牀春風別有意密處也尋香

鏤月成歌扇裁雲作舞衣自憐回雪影好取洛川歸

詠鳥

日裏颺朝彩，琴中伴夜啼。
上林如許樹，不借一枝棲。

他鄉叙興

王勃

綴葉歸烟晚，乘花落照春。
邊城琴酒處，俱是越鄉人。

夜興

野烟含夕渚，山月照秋林。
還將中散興，來偶步兵琴。

臨江二首

汎汎東流水，飛飛北上塵。
歸驂將別棹，俱是倦游人。

去驂嘶別路，歸櫂隱孤舟。
江臯木葉下，應想故城秋。

江亭夜月送別二首

江送巴南水，山橫塞北雲。
津亭秋月夜，誰見泣離羣。

亂烟籠碧砌，飛月向南端。
寂寂離亭掩，江山此夜寒。

別人四首

久客逢餘閏。他鄉別故人。自然堪下淚。誰忍望
征塵。

江上風烟積。山幽雲霧多。送君南浦外。還望將
如何。

桂輶雖不駐。蘭筵幸未開。林塘風月賞。應待故
人來。

霜華淨天末。霧色籠江際。客子常畏人。何爲久
留滯。

贈李十四四首

野客思茅宇。山人愛竹林。琴尊惟待處。風月自

相尋

小徑偏宜草。空庭不厭花。平生詩與酒。自得會
仙家。

亂竹開三徑。飛花滿四隣。從來楊子宅。別有尚
玄人。

風筵調桂軫。月徑引藤杯。直當花院裏。晝晝齋望
曉開。

早春野望

江曠春潮白。山長曉岫青。他鄉臨睨極。花柳映
邊亭。

山中

長江悲已滯，萬里念將歸。況復高風晚，山山黃葉飛。

冬郊行望

桂密巖花白，梨疎林葉紅。江臯寒望盡，歸念斷征蓬。

寒夜思友三首

久別侵懷抱，他鄉變容色。月夜調鳴琴，相思此何極。

雲間征思斷，月下歸愁切。鴻鴈西南飛，如何故

人別

朝朝翠山下，夜夜蒼江曲。復此遙相思，清尊湛芳淥。

始平晚息

觀闕長安近，江山蜀路賒。客行朝復夕，無處是鄉家。

扶風晝屈離京浸遠

帝里金莖去，扶風石柱來。山川殊未已，行路方悠哉。

普安建陰題壁

江漢深無極。梁岷不可攀。山川雲霧裏。遊子幾時還。

九日

九日重陽節。開門有菊花。不知來送酒。若箇是陶家。

晚屆鳳州

寶雞辭舊域。仙鳳歷遺墟。去此近城闕。青山明月初。

羈春

客心千里倦。春事一朝歸。還傷北園裏。重見落花飛。

花飛

林塘懷友

芳屏畫春草。仙杼織朝霞。何如山水路。對面卽飛花。

山扉夜坐

抱琴開野室。携酒對情人。林塘花月夜。別是一家春。

春莊

山中蘭葉徑。城外李桃園。直知人事靜。不覺鳥聲喧。

春遊

客念紛無極春淚倍成行今朝花樹下不覺戀年光

春園

山泉兩處晚花柳一園春還持千日醉共作百年人

林泉獨飲

丘壑經塗賞花柳遇時春相逢今不醉物色自輕人

登城春望

物外山川近晴初景靄新芳郊花柳遍何處不宜春

夜送趙縱

楊炯補

趙氏連城壁由來天下傳送君還舊府明月滿前川

曲江池

盧照鄰

浮香繞曲岸圓影覆華池常恐秋風早飄零君不知

臨階竹

封霜連錦砌防露拂瑤階聊將儀鳳質暫與俗

萬首新句
卷之一
人諧

含風蟬

高情臨爽月急響送秋風獨有危冠意還將衰
鬢同

浴浪鳥

獨舞依盤石羣飛動輕浪奮迅碧沙前長懷白
雲上

葭川獨泛

倚櫂春江上橫舟石岸前山暝行人斷迢迢獨
泛仙

送二兄入蜀

關山客子路花柳帝王城此中一分手相顧憐
無聲

宿玄武二首

方池開曉色圓月下秋陰已乘千里興還撫七
絃琴

庭搖北風柳院繞南溟禽累宿恩方重窮秋嘆
不深

九隴津集

落落樹陰紫澄澄水華碧復有翻飛禽徘徊疑

萬首絕句

卷之一

七

曳舄

登玉清

絕頂橫臨日孤峯半倚天徘徊拜真老萬里見
風烟

遊昌化山精舍

寶地乘峯出香臺接漢高稍覺真途近方知人
事勞

詠鏡

駱賓王

寫月無芳桂照日有花菱不持光謝水翻將影
學冰

在軍登城樓

城上風威冷江中水氣寒戎衣何日定歌舞入
長安

易水送人

此地別燕丹壯髮上衝冠昔時人已沒今日水
猶寒

挑燈杖

稟質非貪熱焦心豈憚熬終知不自潤何處用
脂膏

詠塵

凌波起羅襪含風染素衣別有知音調聞歌應
自飛

翫初月

忌滿光恒缺乘昏影暫流既能明似鏡何用曲
如鈎

送別

寒更乘夜永涼夕向秋澄離心何以贈自有玉
壺冰補

詠蟬

李百藥補

清心自飲露哀響乍吟風未上華冠側先驚鬢

葉中

詠螢火示情人

牕裏憐燈暗暗前畏月明不辭逢露濕祗爲重
宵行

春眺

疲痾荷拙患淪躓合幽襟栖息在何處丘中鳴
素琴

風

李嶠

解落三秋葉能開二月花過江千尺浪入竹萬

竿斜

詩紀

中秋月二首

盈缺青冥外東風萬古吹何人種丹桂不長出
輪枝補

圓魄上寒空皆言四海同安知千里外不有雨
兼風補

詠院中藜竹

呂太一補

擢擢當軒竹青青重歲寒心貞徒見賞穉小未
成冠

和

張泂補

聞君庭竹詠幽意歲寒多歎息為冠小良工將

奈何

詠燕

張鷟補

變石身猶重銜泥力尚微從來赴甲第兩起一
雙飛

別親朋

鄭蜀賓補

畏途方萬里生涯近百年不知將白首何處入
黃泉

南行別弟二首

韋承慶

萬里人南去三春鴈北飛不知何歲月得共爾

同歸詩紀辨干

萬首絕句卷之一

七

澹澹長江水悠悠遠客情落花相與恨到地亦無聲補

江樓

獨酌芳春酒登樓已半曛誰驚一行鴈衝斷過江雲

覽鏡

李崇嗣

歲去紅顏盡愁來白髮新今朝開鏡匣疑是別逢人

寒食

普天皆滅焰匝地盡藏烟不知何處火來就客

心然

詩紀作沈
全期非

獨愁

聞道成都酒無錢亦可求不知將幾斗銷得比來愁補

嶺外守歲

李福業

冬去更籌盡春隨斗柄回寒暄一夜隔容鬢兩年催

詠黃鸝兒

孫處玄補

欲轉聲猶澀將飛羽未調高風不借便何處得遷喬類苑作
鄭惟非

詠項羽

于季子補

北伐雖全趙東歸不王秦空歌拔山力羞作渡
江人

詠漢高祖

百戰方夷項三章且代秦功歸蕭相國氣盡戚
夫人

子夜冬歌

薛曜

朔風扣羣木嚴霜凋百艸借問月中人安得長
不老

秋朝覽鏡

薛稷補

客心驚落木夜坐聽秋風朝日看容鬢平生在
鏡中

題祀山烽樹贈喬侍御

陳子昂

漢庭榮巧宦雲閣薄邊功可憐驄馬使白首為
誰雄

別冀侍御崔司議

有道君匡國無機余在林白雲峨眉上歲晚來
相尋

入峽苦風寄親友

故鄉今日友歡會坐應同寧知巴峽路辛苦石

尤風

題田洗馬桔槔

望苑長為客商山遂不歸誰憐北陵井未息漢陰機

古意題徐令壁

白雲蒼梧來氛氳萬里色聞君太平代栖泊靈臺側

燈

三五月華新遨遊逐上春芳宵殊未極隨意守燈輪

獄中燕

沈佺期

拾蕊和叢棘銜泥怯死灰不如黃雀語能雪冶長猜補

奉和登驪山應制

閻朝隱

龍行踏絳氣天半語相聞混沌疑初判洪荒若始分補

元日恩賜栢葉應制

李乂

勁節臨冬勁芳心待歲芳能令人益壽非止麝含香

同前

趙彥昭

器之雕梁器材非構厦材但將千歲葉常奉萬
年楮

同前

武平一

綠葉迎春綠寒枝歷歲寒願持栢葉壽長奉萬
年歡

游涇川琴溪

環潭澄曉色疊嶂照秋影幽致忻所逢紛慮自
茲屏

嵩山夜還

宋之問

家住嵩山下好采舊山薇自省遊泉石何曾不

夜歸

湖上別鑒上人

願與道林近在息逍遙篇自有靈佳寺何用沃
州禪

題鑒上人房二首

落花雙樹積芳艸一庭春翫之堪興盡何必見
幽人

晚入應真理經行尚未回房中無俗物林下有
青苔

答田徵君

出游杳何處遲回伊洛間歸寢忽成夢宛在嵩
丘山

渡漢江

嶺外音書斷經冬復歷春近鄉情更怯不設問
來人補

傷曹娘二首

鳳飛樓伎絕蠻死鏡臺空獨憐脂粉氣猶著舞
衣中補

河伯憐嬌態馮夷要姝妓寄言游戲人莫弄黃
河水補

河陽

昔日河陽縣氛氳香氣多曹娘嬌態盡春樹不
堪過補

燕巢軍幕

非關憐翠幕不是厭朱樓故來呈燕領報道欲
封侯補

詠省壁畫鶴

粉壁圖仙鶴昂藏真氣多騫飛竟不去當是戀
恩波補

廣州朱長史坐觀妓

歌舞須連夜神仙莫放歸參差隨暮雨前路濕
人衣補

謁二妃廟

送以金屋貴留茲寶席尊江鳧嘯風雨山鬼泣
朝昏補

贈嚴侍御

受賑清邊服乘驄歷塞塵嘗聞雪漢恥羞共虜
和親補

在荊州重赴嶺南

夢澤三秋日蒼梧一片雲還將
重入鷓

鵠羣補

則天皇后挽歌

象物行周禮衣冠集漢都誰憐事虞舜下里泣
蒼梧補

鄧國太夫人挽歌

鸞死鉛妝歇人亡錦字空悲端若能減渭水亦
應窮補

楊將軍挽歌

亭寒照苦月隴暗積愁雲今日山門樹何處有
將軍補

喜入長安

崔湜

雲日能催曉，風光不惜年。
賴逢征路盡，歸在落花前。

答蘇尚書赴益州

宋璟

我望風烟接，君行霰雪霏。
園亭若有送，楊柳最依依。

同賦

鄭惟忠

離憂將歲盡，歸望逐春來。
庭花如有意，留豔待人來。

江濱梅

王適

忽見寒梅樹，開花漢水濱。
不知春色早，疑是弄珠人。

春江曲

郭元振

江水春沈沈，上有雙竹林。
竹葉壞水色，郎亦壞人心。

王昭君三首

自嫁單于國，長銜漢掖悲。
容顏日憔悴，有甚畫圖時。

補

聞有南河信，傳言殺畫師。
始知君念重，更肯惜蛾眉。

厭踐冰霜域。嗟爲邊塞人。思從漢南獵。一見漢家塵。補

春歌二首

青樓含日光。綠池起風色。贈子同心花。殷勤此何極。

陌頭楊柳枝。已被春風吹。妾心正斷絕。君懷那得知。

秋歌二首

邀懽空佇立。望美頻回顧。何時復採菱。江中密相遇。

辟惡茱萸囊。延年菊花酒。與子結綢繆。丹心此何有。

冬歌二首

北極巖氣昇。南至溫風謝。調絲競短歌。拂枕憐長夜。

帷橫雙翡翠。被卷兩鴛鴦。嬌態不自得。宛轉君王牀。

題殿前桂葉

桂樹生南海。芳香隔遠山。今朝天上見。疑是月中攀。

南樓望

去國三巴遠登樓萬里春傷心江上客不是故鄉人

臨川送別

秋郊日半隱野樹烟初映風水正蕭條那堪動離詠

正朝上左丞張燕公

楊重玄

歲去愁終在春還命不來長吁問丞相東閣幾時開

書懷

劉幽求補

心為明時盡君門尚不容田園迷徑路歸去欲何從

經慈澗題

鄭繇補

岸與恩同廣波將慈共深涓涓勞日夜長似下流心

詠兔

蘇頲

兔子死蘭彈持來挂竹竿試將明鏡照何異月中看

奉和聖製過潼津關

在德何夷險觀風復往還自能同善閉中路可

無關

山驛閑臥即事

息燕歸簷靜飛花落院閑不愁愁自着誰道憶
鄉關

汾上驚秋

北風吹白雲萬里度河汾心緒逢搖落秋聲不
可聞

將赴益州題小園壁

歲窮唯益老春至却辭家可惜東園樹無人也
作花

詠禮部尚書廳後鵲

懷印喜將歸窺巢變且依自知棲不定還欲向
南飛

山鷓鴣詞二首

玉關征戍久空閨人獨愁寒露濕青苔別來蓬
鬢秋

人坐青樓晚鶯語百花時愁多人自老斷腸君
不知

詠木槿

劉庭琦

物情良可見人事不勝悲莫恃朝榮好君看暮

落時

流所贈張錫

章玄同

黃葉因風下甘從洛浦隈白雲何所為還出帝鄉來

賦得秋池一枝蓮

郭恭

秋至皆零落凌波獨吐紅託根方得所未肯即隨風

隔壁聞奏妓

裴延

徒聞管絃切不見舞腰回賴有歌梁共塵飛一半來

詠剪花

花寒未聚蝶豔色已驚人懸知陌上柳應妬手中春

述懷

唐怡

萬事皆零落平生不可思唯餘酒中趣不減少年時

詠破扇

輪如明月盡羅似薄雲穿無由重掩笑分在秋風前

同李少府觀永樂公主入蕃 孫逖

邊地鶯花少年來未覺新美人天上落龍塞始
應春

自君之出矣

李康代

自君之出矣絃吹絕無聲思君如百艸撩亂逐
春生

自君之出矣

辛弘智

自君之出矣梁塵靜不飛思君如滿月夜夜減
容暉

賦詩

君爲河適艸逢春心剽生妾如臺上鏡得照始

分明補

偶游主人園

賀知章

主人不相識偶坐爲林泉莫漫愁酤酒囊中自
有錢

王昭君三首

東方虬

漢道方全盛朝廷足武臣何須薄命妾辛苦事
和親

揜淚辭丹鳳銜悲向白龍單于浪驚喜無復舊
時容

胡地無花艸春來不似春自然衣帶緩非是爲

腰身

春雪

春雪滿空來。觸處是花開。不知園裏樹。老箇是真梅。

奉和聖製經函谷關作

張九齡

函谷雖云險。黃河已復清。聖心無所隔。空此置關城。

奉和聖製渡潼關口號

隱嶙故城壘。荒涼空戍樓。在德不在險。方知王道休。

答新博士

上苑春先入。中園花盡開。唯餘幽徑草。尚待日光催。

照鏡見白髮

宿昔青雲志。蹉跎白髮年。誰知明鏡裏。形影自相憐。

自君之出矣

自君之出矣。不復理殘機。思君如滿月。夜夜減清輝。

登荊州城望江二首

滔滔大江水。天地相終始。經閱幾世人。復嘆誰家子。補

東望何悠悠。西來晝夜流。歲月既如此。為心那不愁。補

見道邊死人

劉元濟

淒涼徒見日。冥冥距知年。竟今不可問。應為直如弦。

傷死奴

劉夷道

丹籍生涯淺。黃泉歸路深。不及江陵樹。千秋長作林。

長門失寵

蕭意補

自從別鑾殿。長門幾度春。不知金屋裏。更貯若為人。

見美人聞琴不聽

李播補

洛浦風流雪。陽臺朝暮雲。聞琴不肯聽。似妬卓文君。

下山逢故夫

徐之才補

踟躕下山婦。共申別離久。為問織縑人。何必長相守。

詠燭寄人

潘求仁補

燭與人相似通宵遽白煎不應頻下淚祗是爲
人然

擣衣

沈宇補

日暮遠天青霜風入後庭洞房寒未掩砧杵夜
泠泠

應制奉和潼關

張說

天德平無外關門東復西不將千里隔何用一
丸泥

奉裴中書酒

西掖恩華降南宮命席闌詎知雞樹後更接鳳

池歡

被使在蜀

卽今三伏盡尚自客臨邛歸途千里外秋月定
相逢

正朝摘梅

蜀地寒猶暖正朝發早梅偏驚萬里客已復一
年來

蜀道後期

客心爭日月來往預期程秋風不相待先至洛
陽城

廣州江中作

去國歲方晏，愁心轉不堪。離人與江水，終日向西南。

江中遇客

危石江中起，孤雲嶺上還。相逢皆得意，何處是鄉關。

守歲三首

故歲今宵盡，新年明日來。愁心隨斗柄，東北望春回。

夜風吹醉舞，庭戶對酣歌。愁逐前年少，歡迎今

歲多

桃枝堪辟惡，竹爆好驚眠。歌舞留今夜，猶言惜舊年。

岳州看黃葉

白首看黃葉，徂顏復幾何。空慚棠樹下，未有政成歌。

九日進茱萸山五首

家居洛城下，舉目見高山。刻作茱萸節，情生造化間。

黃花宜泛酒，青岳好登高。稽首明庭內，心為天

下勞

菊酒携山客，萸囊繫牧童。路疑尋大隗，人似問鴻濛。

九日重陽數，三秋萬寶成。時來謁軒后，罷去坐蓬瀛。

晚節歡重九，高山上五千。醉中知偶聖，夢裏見尋仙。

傷妓人董氏四首

董氏嬌嬈性，多為窈窕名。人隨秋月落，韻入擣衣聲。

粉蕊粘妝麗，金花歇翠條。夜臺無戲伴，魂影向誰嬌。

舊亭紅粉閣，宿處白雲關。春日雙飛去，秋風獨不還。

舞席沾殘粉，歌梁委舊塵。獨傷牕裏月，不見帳中人。

幽州元日

今歲元日樂，不謝往年春。知向來心道，誰為昨夜人。

江中誦經

萬首絕句

實相歸懸解虛心暗在通澄江明月內應是色
成空

奉蕭令嵩酒

樂奏天恩滿盃來秋興高更蒙蕭相國對席飲
醇醪

奉宇文黃門酒

聖德垂甘露天章下大風又乘黃閣賞願作黑
頭公

清夜酌

秋陰士多感雨息夜無塵清尊宜明月復有平

生人

醉中作

醉後方知樂彌勝未醉時動容皆是舞出語總
成詩

送梁知微渡海東

今日此相送明年此相待天上客星回知君渡
東海

寄劉道士鳥

真人降紫氣邀我丹田宮遠寄雙飛鳥飛飛不
礙空

答香能和尚塔

大師捐世去空餘法力在遠寄無礙香心隨到
南海

嶺南送使二首

獄中生白髮嶺外罷紅顏古來相送處凡得幾
人還補

萬里投荒裔來時不見親一朝成白首看取報
家人補

耗磨日飲二首

耗磨傳茲日縱橫道未宜但令不忌醉翻是樂

無爲

春來半月度俗忌一朝閑不酌他鄉酒無堪對

楚山詩紀

和舊作張

趙冬曦

上月今朝減流傳耗磨辰還將不事事同醉俗
中人

三月閨怨舊作張

袁暉

三月時將盡空房妾獨居蛾眉愁自結蟬鬢沒
情梳

詠雪

陳子良補

光映粧樓月花承歌扇風欲妬梅將柳故落早
春中

七夕看新婦隔巷停車

隔巷遙停幃非復爲來遲只言更尚淺未是渡
河時

春日池臺

元萬頃補


日影飛花殿風紋積翠池鳳樓通夜敞虵輦望
春移



塞北寄內

崔融補

旅魂驚塞北歸望斷河西春風若爲寄暫爲遶

蘭閨





尺扇風欒如梅將柳故也浴早

